

مدرسه حقوق

ایکنجی قسم

حکمت حقوق

منیف یاشا حضر تارینک تقریر سامیلرندن مکتب حقوق  
شاهانه شاکردانندن ثابت افدی قلیله ضبط و تخریر  
ایدلشدر

اخطار مخصوص

متن مقامنده اولان عبارلر شو ( ) اشارتلر دروننه انمشدر.

معارف نظارت جلیله سنک رخصتیه طبع اولمشدر

استانبول

(۱. ق. توزلیان) — اداره شرکت مرتبه باب عالی جاده سنده نومرو ۳۴

۱۳۰۲

اولوب علوم و فنون و صنایع بتکرار اچایی زمانی اولوق حیثیتله دور مجدد و دور احیا La renaissance نامی الان دورک ابتداسندن) صکره کی صورت ترقیسنی و زمانم زده نقدر اهمیت اولدیغنی و صفت کاشفه (La caractere) سی نه ایدوکنی کوسترر.

۳۹ - فصل ثانی بو علمده کی مذاهب Les doctrines

(مسالك و طرق) مختلفه دن و بونلردن هر برینک له و عایهنده سویلنن شیردن و بونلرک اک مهملرینک و باخصوص عصر مزده اک زیاده تأثیری کوریلان و اک زیاده معتبر و معتد علیه اولان مذهبک تحقیق و تدقیقتدن بحث ایدر.

بو فصلده موضوع بحث اولان مذاهبدن بری ده قومونیزم Le communisme و سوسیالیزم Le socialisme مذهبلریدرکه بزده اشتراکیون مذهبی دیو تعبیر اولنمده در. بو مذهب اربابی انسانلرک بر طاقی حالت یسر و سعادتده و دیگر طاقیده فقر و ضرورت ایچنده یشادقلرنی کوروب بو باده مساوات حصولی ارزو ایدرلر؛ بو مذهبک بطلافی ظاهر ایکن برچوق علما بوکا ذاهب اولمش و بالطبع فقرا طاقیده طرفدار کورنمشدر؛ اشته حکمت حقوق بو مذهبک اسباب و کیفیت ظهورندن و بونک بطلانندن و قابل اجرا اولدیغندن بحث ایدر.

ولی نعمت بیتممز پادشاه تبعه پرور افندمن حضرتلرینک سایه هوایه خلافتناهیالرنده بزده هر فرد بر مسکن و ماوایه مالک

و حاله کوره بر طریق کسبه سالک اولدیغندن ممالک شاهانه یه بو کبی مذاهب باطله فرصتیاب دخول اوله من، اما اوروپاده و خصوصاً انکلتزده بویه دکلدنر، واسط ناس پکنده یوق کیدر، برطاقم ادملر واردرکه هر برینک کونده بیکلرجه التون ایرادی و ملیونلره دونم اراضیسی اولوب عالی سرایلرده و ذاتلرینه مخصوص واپورلرده فریح و فخور ذوق و صفا ایله تدویر صحایف ایام ویالی ایدر؛ و بویه بر صاحب ثروت و قدرته مقابل اوته طرفده بیکلرجه بیچارگان کوریلورکه بیهجک اتمکی و حتی یتاجق بری اولدیغیچون بر مقتضای اقلیم ضیای شمس و حرارت لازمه دن همان محروم اولان او کنگیش جاده لرده کجه لی کوندزلی سفیل و سرگردان طولاشور طوررده آجاقندن و صغوقندن تائف اوله جنی و حتی کندوسنی نهره اته جنی وقت بیه حالی سؤال ایده جک بر مرد حیشغاره تصادف ایدمن؛ چونکه بویه یرلرده هر کس کندی ایشیله (ولوکه ذوق و صفادن عبارت اولسون) مشغول اولدیغیندن فقرایه باقنر، کان طوفانده قالمش کی ایشنه قوشار، او صبرده بریسی کیفی سؤال ایده جک و حتی سلام و یرده جک اولسه جانی صیقار. اشته اشتراکیون طرفکیوانی اصل بوکی حالاتی نظر مطالعه یه الهرق «هپ انسانلر قزنداش یعنی حضرت ادم و حوا اولادی اولدیغنی حالده بر ادمک ملیونلره مالک اولسی و اوته طرفده ملیونلره ادملرک بر قارش طوبراغه و حتی برلقمه اتمکه حسرتکش اشتیاق بولنسی کی مناسبتسز

مساواتسز لقلرك بنی ادم بیننده حکم سورمی محضا انسانلرك نقصان وقصور لرندن اولدیغندن بوساواتسزلی قالدیروبده هیز بر حالده یسایلم « دیرلر. واقعا مصیبت يك بیوك مصیبتدر؛ لکن اشتراکیونك بولدقاری چاره طوغری دکل در؛ بوکا بشقه بر چاره بولمیدر، علم ثروت علمسی بونك اهمیتی اکلامشدر و بوباید کتابلر یازمشدر و حکومتلرده بوکا چاره ارامشدر، لکن هنوز بر چاره مفید و صحیح بولنه ماشدر؛ هله اشتراکیونك بولدقاری چاره بو مصیبت چاره دکل در. چونکه هر کس کندوسی ایچون چالشور، اگر ثمره، سعی وغیرتی ایله یا لکر کندوسی مستفید اولمیوبده بوکا بشقه لریده مشارک اولمق لازم کلسه کسنه چالشور، او حالده بر طاقم خلقت ثمره سعی عامه از وقت ایچنده استهلاک ایدرک هبسی فقیر اولور، شمدی ایسه بر مقدار زنکین وارد؛ دیمک اولور که اشتراکیونك چارهسی مصیبتی تخفیف بیله ایتموب بالعکس تزید ایدر. الحاصل بر ادبی چالشدیروب زنکین ایتمک ایستیلور ایسه اول آدمک ثمره سعی وغیرتی کندوسنه و اولاد و عیالیه دیلدیکی ادملره منحصر و مخصوص اوله جغه دائر کندوسنه تأمینات لازمه ویرلمیدر؛ یوقسه عموم خلقت قزاندیقی عمومه مخصوص بر محله جمع ایدیابوبده اورادن هر کسه سویا تقسیم اولغسی کبی تدابیر باطلهیه مراجعت اولمق لازم کلسه خلق بطالت و عطلت طریقلرینه تمسک ایدر و جهانده خراب اولور.

خلاصه کلام بومذهب باطل قواعدینک تطبیق و اجراسی فقر و فاقهیی تممیدن بشقه برشی انتاج ایتمز.

§ ۴۰ - فصل ثالث حقوق علی العموم حکمته متعلق اولان اساسلرندن (مثلا حقوق لفظنک و جدانجه و لسانجه معنلرندن) و علی العموم انسانک طبیعتدن و ما خلق لهندن و احتیاجنک اصولندن و حیاتنک خیر مقصدلرندن) بحث ایدر. بزم قسم عمومیدن اوله رق (باب اولده) بیان ایتمک کمز شیرک کافهسی اشبو فصل ثالث محتویاتندن برنبذه دیمکدر.

§ ۴۱ - فصل رابع حقوق قواعدینی تعیین و تخصیص ایدر یعنی حقوق بعض قواعد مهمهسنی تعیین و بوقاعده لرندن شوتیجهلر چیقار دیو انلرك نتایج مهمهسنی مثلا حیات انسانیه نك بقاسی و انتظام و سعادت یعنی بر نظام و سعادت حال بولغسی حقوق اوزرینه مبتنی اولدیغنی استنتاج و تبیین ایدر و علم حقوق ایله علم اخلاق بیننده کی حدود و فرقدن و بونلر بیننده اولان مناسباتدن و حقوق عدالت الهیه اولدیغندن بحث ایلر.

§ ۴۲ - فصل خامس حقوق و عاداتک و قانونلرك خواصندن و علی العموم مأخذلرندن و حقوق فلك موضوعیدن و حقوق نه مقوله اشخاصه تعلق ایتمکندن و حقوق مأخذ و مقصدلری اعتباریه اواعندن بحث ایدر؛ برده حقوق بویه ایکی تقسیم اولنوبده برینه حقوق فطریه Des droits primitifs و دیگرینه حقوق مستنبطه یا خود مستنبجه Des droits dérivés دینلدیکندن